



Groupe parlementaire

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 7. September 2022

Här President,

esou wéi d'Chambersreglement et virgesäit, bieden ech Iech, dës parlamentaresch Fro un den Här Bausseminister weiderzeleeden.

An Irland gouf e Schoulmeeschter deen an enger offizieller Kiercheschoul Däitsch a Geschicht ënnerriicht, fir d'éischt mat engem Beruffsverbuert konfrontéiert a sëtzt méttlerweil am Prisong, well hie refuséiert huet e männleche Schüler mat engem weibleche Pronomen unzeschwätzen. De betrouffene Member vum Léierpersonal beriff sech bei senger Verdedegung op seng Reliounsfräiheet a säi perséinlech Gewëssen, dat him et onméiglech mécht, deem genannten Uerder ze follegen.

An der EU-Grondrechtecharta liest een ënnert dem Artikel 10 ënner anerem dat hei: "*Jede Person hat das Recht auf Gedanken-, Gewissens- und Religionsfreiheit*". Weider liest een an deem Kader am Artikel 11: "*Jede Person hat das Recht auf freie Meinungsäußerung*". A schliisslech ënnert dem Artikel 15: "*Jede Person hat das Recht, zu arbeiten und einen frei gewählten oder angenommenen Beruf auszuüben*". Irland verstéisst hei also gläich géint eng ganz Rëtsch vun EU-Grondwäerter.

An deem Zesummenhang géif ech dem Här Bausseminister gär dës Froe stellen:

- 1) Kann den Här Bausseminister seng allgemeng Positioun zum Fall vun deem betrouffene Schoulmeeschter matdeelen?
- 2) Kann den Här Bausseminister elaboréieren ob an op wéi eng Manéier hien an dësem Fall scho bei der irlischer Regierung intervenéiert huet?
- 3) Kann den Här Bausseminister elaboréieren ob an op wéi eng Manéier hien sech schonn op EU-Niveau duerfir agesat huet, fir Irland zum Respekt vun den EU-Grondrechter ze beweegen a preziséieren, ob hien e Grondrechtsprozess sou wéi en och géint Ungarn a Polen op den Instanzewee bruecht gouf, fir ugemoooss hält?

Mat déiwem Respekt,

Fernand Kartheiser
Deputéierten